

四庫全書

集部

欽定四庫全書

集部

柳河東集卷十一

詳校官內閣學士臣瑞保

檢討臣何思鈞覆勘

總校官進士臣朱 鈐

校對官編修臣吳舒惟

謄錄監生臣開 壯

欽定四庫全書

柳河東集卷十

唐柳宗元撰

誌八首

唐故中散大夫檢校國子祭酒兼安南都護御史
中丞充安南本管經畧招討處置等使上柱國
武城縣開國男食邑三百戶張公墓誌銘并序

張公名畊考之舊史在憲宗元和元年以安南
經畧副使為安南都護本管經畧使四年八月

丙申奏破環王國餘不可考而五年七月乃以
虔州刺史馬總為安南都護本管經畧使公謂
張公某年月日死于位其書葬特日用某月日
則張公之死及葬當是元和四五年間矣公時

蓋在永
州云

漢光中興馬援雄絕域之志晉武一統陶璜布殊俗之

恩理隨德成功與時並今皇帝載新景命丕冒海隅時

惟公祇復厥績交趾之理續于前人

唐志安南中都護府本交趾郡武德

五年日交

公諱某字某某郡人也曾祖彥師朝散大夫

尚書駕部郎中祖瑾懷州武德令考清朝議郎試大理

寺丞贈右贊善大夫咸有懿美積為餘慶公以忠肅循
其中以文術昭于外推經旨以飾吏事本法理以平人
心始命蘄州蘄春主簿句會敏給厥聲顯揚仍以左領
軍衛兵曹為安南經畧巡官申固扞衛有聞彰徹轉金
吾衛判官三厯御史績用弘大揚於天庭加檢校尚書
禮部員外郎換山南東道節度判官復轉郎中為安南
副都護賜紫金魚袋充經畧副使遷檢校太子右庶子
兼安南都護御史中丞充本管經畧招討處置等使公

自為吏習於海邦凡其比較勤勞利澤長久去之則夷

獠稱亂

獠音獠

復至而寇攘順化及受命專征得陳嘉謨

誓拔禍本納於夷軌乃命一其貢奉平其斂施牧人盡

區處之方制國備刑體之法道阻而通百貨地偏而具

五人儲侍委積師旅無庚癸之呼

子儲音除侍直里切積

邦之委積以待施惠傳吳申叔儀乞糴於魯公孫有山

山曰登首山呼庚癸兮則諾注庚西方殺癸北方水軍

中不敢正繕完板幹控帶兼戊巳之位

東漢西域傳武帝時西域內屬

言故謬諾有三十六國漢為置使者校尉領護之宣帝改為都護

元帝又置戊巳二校尉屯田於車師前王庭注云戊巳

中央鎮覆四方又開渠播文單環王怙力背義單都寒切虜姓

種以為敵勝故稱戊己焉可單氏後改為單氏公於是陸聯長轂海合艤上音蒙下音同博雅云舟也

再舉而克殄其徒廓地故一作數圻以歸于我理烏蠻酋

帥負險蔑德公於是外申皇威旁達明信一動而悉朝

其長取州二十以被於華風易皮弁以冠帶化姦宄為

誠敬皆用周禮率由漢儀公患浮海之役可濟可覆而

無所恃乃剡連鳥以闢坦途連鳥未詳然當是山名剡音枯鬼工來并

人力罕用沃日之大束成通溝摩霄之阻哲為高岸音若

昔說文摘也周
官有若獲氏

而終古蒙利公患疆場之制一彼一此

而不可常乃復銅柱為正制鼓鑄既施精堅是立

唐史南蠻

傳環王本林邑也一日占不勞亦曰占婆直交州南海
行三千里地東西三百里而羸南北千里西距真臘霧
溫山南抵奔浪陀州其南大浦有五銅柱山形若倚蓋
西重巖東涯海漢馬援所植也其後馬總充安南都護
時其在南海累年清廉不撓夷獠便之乃於漢所立桐
柱處以銅一千五百斤特鑄二柱刻書唐德以繼伏波
之迹以公誌觀之則張公亦
嘗有是作特史不書之耳

固圉之下明若白黑易野

之守險逾丘陵

易以政切周禮險野人為主易
野車為主此言雖易而險也

而萬世

無虞奇琛良貨溢于王府

琛瘕林切爾
雅曰寶也

殊俗異類盈于

藁街

魏都賦藁街之邸不能及注藁街邸蠻夷之館漢時所立也

優詔累旌其忠良

太史嗣書其功烈就加國子祭酒封武城男食邑三百

戶凡再策勲至上柱國三增秩至中散大夫某年月薨

于位年若干天子震悼傷辭有加明年其孤某官與宗

人號奉裳帷率其家老幼于叔父延唐令某卜宅于潭

州某原葬用某月某日人謀皆從龜兆襲吉乃刻茲石

著公之閭以志于丘窆

音釗又充芮切說文穿地也周禮大喪甫窆

以告于

幽明銘曰

周限荆衡

荆衡之地在周非所有至秦始皇并為三十六郡

秦開百粵

秦始皇并天下分為

三十六郡平百越又置閩中南海桂林象郡四郡粵與越同

交州之治炎劉是設武帝

初置交趾郡元鼎六年開屬交州

德大來服道消自絕伏波南征漢威

載烈

伏波馬援也事見上

宛陵北附晉政爰發

謂晉武太康元年王濬克西陵杜預

克江陵吳滅孫皓受降於晉也

我唐流澤光于有截皇帝中興武城授

鉞肅肅武城惟夫之哲更歷毗贊顯揚彰徹既受休命

秉茲峻節度其謀猷守其廉潔厚農薄征匪貊匪桀

音貊

陌孟子欲輕之於堯舜之道者大桀小桀也注貊蠻貊桀夏桀也通

商平貨有來胥悅踐山跨海堅其鷁列

莊子必無威鷁列於麗燕之間

制器足兵潰茲蟻結

禮蟻結于四隅

烏蠻屈服文單翦滅彙遠

開疆會朝天闕銅柱乃復環山以碧海無邁迓

音午又音忤

冠罔踰越琛賫之獻

賫徐刃切與贖同

周于窮髮帝嘉成德載

旌茂閼增秩策勲土封斯裂位厄元侯年虧大耄

徒結切說

文年八十曰耄

邦人號呼夷裔悽咽卜葬長沙連岡啓穴書銘

薦辭德音罔缺

唐故邕管經畧招討等使朝散大夫持節都督邕

州諸軍事守邕州刺史兼御史中丞賜紫金魚

袋李公墓誌銘

考之史志太宗文武大聖皇帝十四子長曰承乾承乾生象象

生玼玼生虞虞生位位即邕管經畧招討使也禮記曰別子為祖繼別為宗繼禰者為小宗注曰別子為公子始來在此國者後世以為祖又曰繼別為宗者別子之世適也族人尊之謂之大宗是宗子也又曰繼禰為小宗者父之適也兄弟尊之謂之小宗誌謂別子曰承乾繼別曰象大宗曰玼以是推之蓋可得而考矣據葬在元和十四年誌是時作

公諱某字某實惟文皇帝之玄孫別子曰承乾

別筆為列切

皇太子以藩愛逼奪危慄致禍後封恒山為愍王贈荆

州大都督繼別曰象靳春郡太守贈越州大都督封郇

國公大宗曰玼

駢迷毗
賓二切

太子詹事贈秘書監生廩

音異尚

書左丞凡四代有土田居貴仕公丕承之以率南服克

荷天休繼有功德公始以通經入崇文館登有司第選

同州叅軍入佐金吾衛進太僕主簿叅引大駕府移為

左右神策行營兵馬節度以為推官拜監察御史賜緋

魚袋凡二使其率皆范司空希朝

率音帥

進殿中侍御史

湖南都團練判官以寬通簡大輔治得中道府遷主後

事師人愛慕欲以貞元故事為請

唐藩鎮傳安史亂天下至肅宗大難累平

君臣皆幸安故瓜分河北地以授叛將獲養萌孽以成禍根亂人乘之遂擅署吏以賦稅自私至大厯貞元之間其弊尤甚公謂貞元故事者蓋欲擅署之也公恐懼扣留復徙浙東為都團

練副使轉侍御史又徙浙西如其職加著作郎凡三使

其率皆薛大夫萃

率音帥

刺岳信二州得劉向祕書以能

卒化黃白日召徒試術為仇家上變就鞠無事勅笞殺

告者猶降建州司馬陟刺泉州會烏獬夷叛

獬字諸韻皆無或謂

當作信然考之史傳蓋是烏獬也

殺郡吏毆縛農民詔以公都督邕州

兼御史中丞賜紫金魚袋為經畧招討使既至則鞞弓

橐甲

鞞音韜弓衣也
橐音託囊也

去斤候禁部內無敢以賊名使得

自澣濯諸酋長咸頓首送款故虜獲輸稅奉貢願比內

郡人遣子吏都督所人復耕稼無有威刑居五月頃有

黑螭鼓江

螭音痴文
似龍無角

流壞北岸直城南門覆船殺人然

後去父老泣曰吾公其殆矣嘗合汞流黃丹砂為紫丹

汞胡貢切與
同說文水銀也

能入火不動以為神服之且十年然卒

以是病暴下赤黑數日薨實元和十三年六月十五日

年五十七僚宰庀事有緹五兩

緹音題又它禮切說文赤色帛兩直讓切同禮

無過五兩

無金銀泉貝幾不克斂夷人號呼致幣歸以明年

月日葬附其穆長安西南高陽原上夫人陳氏先公十五年沒父曇亦都督邕州終孤孟與愿且文亞曰仲權次曰季謀年自九歲以下有兩壻博陵崔行儉勁峭有立志榮陽鄭師貞敏捷能羣皆聞名銘曰

文濬維祥實亘實延冢讒不嗣宗以支傳郇公克庸詹

事繼賢湜湜左丞

湜丞職切說文水清也詩湜湜其止

惟道之宣公寬且

惠以教則順五叅戎政二佩郡印師歡民愛克懷以信

設辭告訕

一作訟

卒白其訊烏獬狴狂盜海剽山帝命于

南逃彼羣蠻虎龍煌煌英蕩是將舟之金玉以為公服

公既蒞止告以文理推義赴仁弋弓服矢

弋音輅與上同

關是

垣壘完其父子復我邦賦施予卒士克不功矜情不伐

喜蠻入涕懷投刃以俟方底成績虫孽告妖悍石構灾

升屋而號椎髻卉裳

椎音槌髻音介卉訕鬼切皆夷服也

來賻來觀撫撫

鱗原

撫音武美也詩周原撫撫

祔之顯魂松柏芊芊

音千茂也

封域安安

代有高墳堯文之孫

唐故試大理司直兼貴州刺史鄧君墓誌銘并序

鄧氏出南陽安定二望商王武丁封叔父說於河北是為鄧侯後因為氏一曰本曼姓春秋有鄧侯吾離後為楚所滅因為氏馬公謂刺史鄧君為曼姓之裔則來蓋出此京兆尹弘農公楊憑也據誌云元和五年卒明年某月日葬誌當是五年作云

君諱某字某南陽人漢司徒禹之後也曾祖倚皇連州

普城令祖少立皇滄州司馬考邕皇左武衛兵曹參軍

惟君敏給以御下廉忠以承上幹蠱之稱洽於諸侯

音蠱

古信謹之跡彰於所蒞故自始仕以至沒世未嘗無聞焉初以試大常寺奉禮郎更職於劍南湖南江西前後連帥咸器其能以柄於事於劍南則亭擬閔實以修官刑盡哀敬之情致淑問之頌寬猛之適克合于中於湖

南則外按屬城內專平準蒞卅人錫石之地

卅古猛切周禮卅人

掌金玉錫石之地而為之禁厲以守之說文卅銅鐵撲石也與礦同

叅臯氏鼓鑄之功

周禮

臯氏為鐘兩樂謂之銑銑間謂之于上謂之鼓

溢山告祥國用益瞻吏無並

緣以巧法

並蒲浪切

人無怨讟以苦役

讟音讀怨也

凡處斯職莫

能加馬於江西則旁緝傳置下繩支郡俾無有異政以
一於詔條財賦之重待君而理無何邕州經略使路公
恕奏署試大理評事兼貴州刺史叅帷幕之任董龜虎
之威夷俗敬愛革面受事朝廷將以武定南服命安南
大校御史中丞趙良金為邕州復以君兼招討判官錄
其異能奏加司直昇招討副使兼統橫廉貴三州事尤
葺之下尤謨達切又莫紅切葺而融切又如容切說文亂兒直道有立擴悍之內
擴古猛切悍下罕切又音汗義威必行賦增而不擾法一而無憾然

以憂慄間於多虞卒成耳目之塞道致齒牙之猾元和
五年五月二十一日疾卒於公館年五十五明年某月
日返葬於潭州某原夫人隴西李氏大理評事練之女
年三十二貞元十六年終於郴州有子四人曰贄曰某
贄十三年矣哀禮具焉京兆尹弘農公始由湖南為江
西再以君為從事知之最厚痛君之能不施於劇任惜
君之志見屈於羣疑且以誌授宗元使備其闕古者觀
其所使而知在上之德今也觀其所使而知在下之誠

鳴呼可無辭乎銘曰

曼姓之裔司徒隆漢惟君是承有植其幹始屬奉常出

參藩翰議讞西蜀

讞語塞魚戰巨列三切並議罪也

平其狴犴

上部禮切下音

岸獄名

巡視南楚總茲條貫貿遷化居

貿音懋書貿遷有無化居

貨殖

攸贊改煎鎔範貢輸增筭既飭財賦亦專傳館

傳柱應切

去

牧荒陬肅其聽斷斂歛以息

斂音奪歛音攘

暴戾斯遠行非選

事進不避難始賴其寧終聞見憚疾與憂積志隨魄散

年極中身葬茲高岸才耶命耶君子興歎

呂侍御恭墓誌

公常為衡州刺史東平呂居溫諱今又諱呂侍御恭墓其稱述二君

蓋詳相國尚書鄭公餘慶也元和八年癸巳永州作

呂氏世居河東至延之始大以御史大夫為浙東道節度大使延之生渭為中書舍人尚書禮部侍郎刺湖南七州生四子溫恭儉讓以溫為尚書郎再贈至右僕射恭字敬叔他名曰宗禮或以為字實惟呂氏宗子尚氣節有勇略不事小謹讀從橫書

從子容切

理陰符握機孫子

之術曰我師尚父胄也大父洎先人咸統方岳今天下

將理平蔡充異幽洎戎猶負命晝夜呼憤以為宜得任
爪牙畢力通天子命作文章咸道其志云又曰由吾兄
而上三世世為進士吾之文之一不墜教戒獨武事未

克續厥緒

續作管切

因弃去從山南西道節度府掌書記預

謀畫不甚合以試守軍衛佐加協律郎入薦為長安主
簿復出以監察御史為江南西道都團練軍事府表進
殿中侍御史為桂管都防禦副使元和八年去桂州相
國尚書鄭公遮留假嶺南節度判官至廣州病痰瘧加

瘧

瘧舊本作疥界山沈公謂當作瘧音皆瘧疾也瘧音帝又音帶說文創也一曰下病

六月二十

八日卒妻裴氏戶部尚書延齡女有丈夫子三人曰興

曰瓊曰特女子三人曰環曰鸞曰倩皆幼行於道而倩

又死遂以柩如洛陽祔葬於大墓款志呂氏世仕至大

官皆有道宜興於世溫洎恭名為豪傑知者以為是必

立王功活生人不幸溫刺衡州年四十卒恭未及理人

年三十七又卒世固有有

一無下有字

其具而不及其用若

溫恭者耶恭兒奇壯有大志信善容物宜壽考碩大而

又不克呂氏之道惡乎興銘曰

淪淪之風乎不可追

淪音馮天聲也

有志之大兮今安歸呂君

去我死乎吾誰依

唐故嶺南經略副使御史馬君墓誌

御史馬君史無其傳考之

表系亦莫詳公元和十年三月出為柳州誌云元和九年卒明年其孤使以狀來謁銘當是在柳時作也司徒杜公佑嗣曹王皋尚書戴公胄尚書趙公昌此皆其所嚴事者婿曰宗一即公之從兄弟云

元和九年月日扶風馬君卒命于守窴祔于先君食卜

葬明年某月庚寅亦食其孤使來以狀謁銘宗元刪取

其辭曰君凡受署往來

一作事

桂州嶺南江西荆南道皆

大府凡命官更佐軍衛錄王府事番禺令江陵戶曹錄

府事監察御史皆為顯官凡佐治由巡官判官至押番

舶使

舶音白蠻夷
泛海舟曰舶

經略副使皆所謂右職凡所嚴事御

史中丞良司徒佑嗣曹王臯尚書胄尚書伯儀尚書昌

皆賢有勞諸侯其善事凡管嶺南五府

謂嶺南
容邕也
韓集有

送鄭權尚書序曰嶺之南其州七十其二十二隸嶺南
節度府其四十餘分四府府各置帥然獨嶺南節度為

大府大府始至四府必使其佐問起居正謂此也

儲跽出卒

跽丈里切

致穀以謀叶

平哥舒晃假守州邑民以便安殄火訛殺吏威海鹽增
筭邦賦大減所至皆用是理年七十不肯仕曰吾為吏
逾四十年卒不見大者今年志慮耗終不能以筋力為
人羸縮因罷休以經書教子弟不問外事加七年卒君
始以長者重許與聞凡交大官皆見禮司徒佑嘗以國
事徵顧謂君曰願以老母為累受託奉視優崇至忘其
子之去君諱某字某曾祖某某官父某某官嗣子隴西

李氏出曰徵由進士為右衛曹曹早沒次四子皆京兆
韋氏出曰倣曰倣曰敏曰庭女一人嫁柳氏壻曰宗一
其銘曰

不懈于位不替于謀慮冠以平撫民以蘇偕夫不孽悍
吏不牟惟寶于鹽亦贏其籌公以忠施私以義躋既至
于年乃靜于懷衣柔膳甘子掖一作侍孫攜觀經考古教

導斯齊克壽克樂嗚呼終哉于陰之原爰位其墓千萬
子孫來拜來附

唐故安州刺史兼侍御史貶柳州司馬孟公墓誌

銘

孟氏系出魯桓公子仲孫之後仲孫為三桓之孟故曰孟氏也誌云九年者元和九年明

年用兵于蔡者謂元和十年討吳元濟也其年孟卒此誌當作於十一年云

孟氏之孤遵慶奉其父命書九篇為善狀一篇來告曰

日月君薨月日將葬于某敢請刻辭嗚呼公自假左贊

善大夫桓王司馬太常少卿為義成軍中軍兵馬使其

帥魏國公耽為宰相

耽賈耽也

命公左領軍衛將軍事德宗

順宗今上立朝九年加朝議大夫居喪會用兵

一有趙于字

起復居故官為左神策行營先鋒兵馬使知牙而趙兵
罷不受祿去金革服喪終期命安州刺史仍加侍御史
安州防遏兵馬使貶柳州司馬公嘗佐魏公平襄陽靖
梁州立義成軍魏公弘大恢奇公能以任軍政是以又
為衛將軍虔恭潔廉動得禮節代趙之役堅立堡壘誓
死麾下法制明具權力無能移進不備患退不敗禮安
州迫寇壤多戎事政出一切吏以文持之故貶明年用
兵一有子字蔡朝廷諸公洎外諸侯咸以公為請未及徵氣

乘肺溢為水浮膚而卒年六十惟公志專于中貌嚴于外嘗立廷中毅然望之若圖形刻像聞國難輒不寢食謀度憤咤勝駕切叱怒也以故病不可治曾祖某官諱某祖某官諱某父某官諱某公之諱曰常謙子遵慶弟曰某銘

曰

魯仲孫氏其世為孟賁勇光武軻儒紹聖公傳師法以訓戎政執稽以庸咸致厥命濟濟于朝冕服以光墨非從利終役服喪忠孝孔明君子攸彰昔者雲中六級下

吏公刺于安法亦可議黜伏南荒豪士歔歔

上音虛下音戲聞

難以激去食廢寐神乖氣離支膈莫遂廷臣進言侯伯
拜章帝命將施俄仆于京代山兀兀植栢與松其名惟
何忠孝孟公

故連州員外司馬凌君權厝誌

年月誌雖不書然凌君謂余生於辰

今而遇乎戊辰戊戌銜也吾其死矣乎及是如其
言當是元和三年戊子也公與凌君元和元年
同貶員外司馬誌在三年永州作或謂作於元
年誤矣集又有哭連州員外凌司馬詩即與此
同時別集又有後誌而此
本不載已別列之外集

年月日尚書都官員外郎和州刺史連州司馬富春凌
君諱準卒于桂陽佛寺先是六月告于州刺史博陵崔
君曰余嘗學黃帝書切脉視病今余肝伏以瀦

音色不滑也

腎浮以代將不臘而死審矣凡余之學孔氏為忠孝禮
信而事固大謬卒不能有示乎世者命也臣道無以明
乎國子道無以成乎家下之得罪于人以謫徙醜地上
之得罪于天以降被罪疾余無以禦也敢以鬼事為累
又告為老氏者某曰余生於辰今而寓乎戌辰戌衝也

吾命與脉叶其死矣乎吾罪大懼不克歸柩於吾鄉是
州之南有大岡不食吾甚樂焉子其以是葬吾及是咸
如其言云孤夷仲求仲以其先人之善余也勤以誌為
請嗚呼君字宗一以孝悌聞于其鄉杭州刺史常召君
以訓于下讀書為文章著漢後春秋二十餘萬言又著
六經解圍人文集未就有謀略尚氣節明人之意出貨
力猶弃批牌

上音匕牌旁卦切不成乘也

年二十以書干丞相丞相

以聞試其文日萬言擢為崇文館校書郎又以金吾兵

曹為邠寧節度掌書記涇之亂以謀畫佐元戎常有大功累加大理評事御史賜緋魚袋換節度判官轉殿中侍御史府喪罷職後遷侍御史為浙東廉使判官撫循罷人

罷音疲

按驗汙吏吏人敬愛厥績以懋粹然而光聲

聞于上召以為翰林學士德宗崩邇臣議祕三日乃下遺詔君獨抗危詞以語同列王伾畫其不可者十六七乃以旦日發喪六師萬姓安其分遂入為尚書郎仍以文章侍從由本官叅度支調發出納姦吏

一作利又襄誤作和

止以連累出和州降連州居母喪不得歸而二弟繼死
不食哭泣遂喪其明以沒蓋君之行事如此其報應如
此夫人高氏在越孤四人南仲殷仲在夫人所未至執
友河東柳宗元哀君有道而不明白于天下離慙逢尤
天其生且又同過故哭以為志其辭哀焉銘曰

噫凌君生不淑學孔氏楊芬郁好謀謨富天祿讎禁書
贊推轂觀靈龜獲貞卜徙東越翊明牧罷人蘇汚吏覆
升侍從躬啓沃匡危疑興大福吏尚書徒隸肅佐經邦

財用足道之躋

音致

身則辱爲江垂九疑麓仍禍凶遺茲

酷能知命無怨毒罪不泯死猶僂

音幾

何以葬南嶺曲魂

有靈故鄉復封茲壤歸骨肉爲之銘志陵谷

故嶺南鹽鐵院李侍御墓誌

據誌元和十三年卒明年某月日甲子葬

伊闕卽十四年也誌是時作

天寶中詔李氏由涼武昭王以下皆得籍宗正故沂州

刺史福以姑臧人附屬於寧歧爲族曾祖生樂壽令昱

昱生號州司馬叶世以儒聞叶生監察御史澣字濯纓

明兩經仕歷永興臨晉尉會天子方事誅伐南平蔡北
服趙西走戎東討齊魯五年間兵征卒戍糴行千里凡
進用唯財賦為難君以試大理評事佐荆南兩稅使督
天下諸侯之半調食饒給車繫舟運又守湖南鹽鐵轉
運院以能遷官移嶺南益積功勞以介厲敦勤為率一
率字無羣吏先年五十三元和十三年月日卒妻廬江何氏
凡五世世鄭出父曰士錡季父曰士幹有大名君之子
二人曰夔曰導女一人曰某夔導皆幼不能事何夫人

哭且戒樞行萬里咸觀其禮焉
葬伊闕用明年某月日
甲子銘曰

涼為帝基克顧厥胤皇弘國牒四邑顯進沂以屬尊世
仕倚儒憲憲濯纓亦用學徒既殺既官式懋爾勞四方
用師卒食之饒致其廉介率是諸侯于荆于交闕石是
鈞邦有休功惟吏之勤奠施于大以盡其有孰司壽夭
君不克久吉日來祔伊闕之墓子嗣孫承有達宜興銘
詔于神永永是徵

柳河東集卷十

欽定四庫全書

柳河東集卷十一

唐 柳宗元 撰

誌碣謠一十一首

故試大理評事裴君墓誌

元和十四年卒誌亦是時作也周官小宗伯之

職辨廟祫之昭穆注云父曰昭子曰穆也君之諱字考之史表皆不詳

裴氏之昭

音韶

曰贈戶部尚書諱某穆曰起居郎諱某生

均州刺史諱某均州與其弟大理更為刑部郎用文史

名於朝善杜禮書長子曰某射進士策不中去過汴韓
司徒弘迎取為從事以聞拜太子通事舍人進大理評
事當伐蔡及鄆汴常為軍首贊佐有勞既事將侍太夫
人于京師道發疽子余切元和十四年月日終於河南敦

厚里年若干字曰某弟某以其喪歸葬于某縣某里未
果娶有男子二人女一人男之長曰某通兩經始杖且

廬銘曰

世守不遷秀于士鄉不利有司爰客于梁梁委其躬乃

相戎政宮臣理屬仍受國命南蔡北曹五載首兵柔剛
輔理平視太平馬牛既寧告養于京棧車草草棧仕
諫切我
來周道載饑載勞神奪其孝形經于洛魂其馬如庶終爾
誠陰侍里閭膳飲不違有弟之恭既安且盈厥志斯從
銘之故人以慰爾哀

故大理評事柳君墓誌

元和六年
永州作

晉之亂柳氏始分曰耆為汝南守居河東又五世曰慶
相魏魏相之嗣曰旦仕隋為黃門侍郎其小宗曰楷至

于唐刺濟房蘭廓四州楷生夏縣令府君諱繹繹生司
議郎府君諱遺愛皆葬長安少陵原遺愛生御史府君
諱開葵南陽其嗣曰寬字存諒讀其世書揚于文辭南
方之人多諷其什頗學禮而善為容修吏事始仕家令
主簿進左驍衛兵曹試大理評事為嶺南節度推官荆
南永安軍判官府罷為游士出桂陽下廣州中厲氣漚
泄卒於公館元和六年八月七日也年四十七前娶琅
邪王拱子拱國子祭酒後娶河東裴陵子陵告成令裴

氏之出曰裴七君之從弟以君之喪歸過零陵哭且告于宗元曰吾伯兄從事嶺南其地多貨其民輕亂能以簡惠和柔匡弼所奉假守支郡海隅以寧鬪很仇怨敦諭克順從公于荆綏戎永安仍專郡治政用休阜是時蜀寇始滅邦人瘡痍懷君之澤咸忘其痛其理也惠而不施之於大其行也和而不至于年其言也文而不顯其聲今將以某月日祔葬苟又不得令辭而誌焉是無以盖前人之大痛敢固以請嗚呼余懼辭之不令以為

神蓋余敢不諾銘曰

柳族之分在北為高充于史氏世相重侯中書之世寔
曰蘭州夏縣政良司議德優營營御史乃佐元侯惟君
是嗣其政克修儲闡補吏環衛分曹南越之厖從事以
寧永安披攘薦仍于兵是董是經既柔且平浩浩呻呼
草為和聲胡不使壽而奪之齡挺一作于海壖而宣切

也壙于鄧邦

壙音曠
壙穴也

厥弟孔哀惟行之恭呱呱小子綰

而不廬

綰音
崔

充充令妻髻首而居

髻側瓜切禮男子免
而婦人髻以麻約髻

也鳥獸號鳴助我踟躕刻此悲辭藏之奧隅

故秘書郎姜君墓誌

楚國公皎初以玄宗在藩邸時皎察其有非常之度尤委

心焉迨即位召拜殿中少監數召入卧内命之捨微曲侍燕私呼之而不名其後寵遇日甚其子慶初生未晬玄宗許尚公主後渝二十餘年及相林甫即皎之甥遂從容奏之故驟加恩命詔慶初尚新平公主授駙馬都尉公謂粦為開元皇帝外孫且日子慶初得尚公主其自蓋如

此也元和十四年柳州作

秘書郎姜粦

音諤

字某開元皇帝外孫也始楚國公皎與

上游益貴幸子慶初得尚某公主生粦粦生三日上曰

他物無以餉吾孫即勅有司以第六品告與緋衣銀魚
得通籍出入凡名是官七十年終不徙然其間在蜀
漢荆楚以大諸侯命守州邑輒以勞稱時缺則復命好
遊嗜音以生貴富畜技能傳宮中聲賢豪大夫多與連
歡後加老風病手足奇右奇渠
焉切可用不能就官士有載
酒來則出妓搏髀笑戲髀部
禮切觀者尚識承平王孫故態
元和十四年月日終桂州都督御史中丞裴公曰噫帝
戚也葬不可以廉為具物祭以豚酒月日葬州東南一

里子某年若干母曰雷姬銘曰

始賤終貴於世為遂幼榮老窮在物為凶均之得喪誰
缺誰豐若君者銀朱於始生鐘鼎以及壯不矍矍於進
取矍矍傳切說文欲速走也不施施於驕伉左絃右壺樂以自放雖
老而客死未嘗戚乎已與夫拳拳恐悻蒙諂負義得之
拘拘榮不蓋愧以終其身而不能止者不猶優乎

亡友故秘書省校書郎獨孤君墓碣

貞元十八年
藍田尉作

嗚呼有唐仁人獨孤君之墓祔于其父太子舍人諱助

之墓之後自其祖贈太子少保諱問俗而上其墓皆在

灞水之左

灞水出藍田谷北入渭
隸長安灞音霸

今王父營陵於其側故

再世在此嗚呼獨孤君之道和而純其用端而明內之
為孝外之為仁默而智言而信其窮也不憂其樂也不
淫讀書推孔子之道必求諸其中其為文深而厚尤慕
古雅善賦頌其要咸歸于道昔孔子之世有顏回者能
得於孔子後之仰其賢者譬之如日月而莫有議者焉
嗚呼獨孤君之明且仁如遭孔子有兩顏氏也今之世

有知其然者乎知之者

一無知之者三字

其信於天下乎使夫

人也天而不嗣世之感者猶曰尚有一天道嘻乎甚耶君

諱申叔字子重年二十二舉進士又二年用博學宏詞

為校書郎又三年居父喪未練而歿

禮練而慨然注練小祥也

蓋貞

元十八年四月五日也是年七月十日而葬鄉曰某鄉

原曰某原嗚呼君短命行道之日未久故其道信於其

友而未信於天下今記其知君者于墓韓泰安平南陽

人李行謹元固其弟行敏中明趙郡贊皇人柳宗元河

東解人崔廣略清河人韓愈退之昌黎人王涯廣津太
原人呂溫叔東平人崔羣敦詩清河人劉禹錫夢得
中山人李景儉致用隴西人嚴休復玄錫馮翊人韋詞
致用京兆杜陵人

故襄陽丞趙君墓誌

趙公矜之葬自貞元十八年
至元和十三年已十七載之

父來章乃能求於人所不知者其異如此來章
之孝公謂神實恫之錫之老叟告以兆語信哉

元和十

三年作

貞元十八年月日天水趙公矜年三十二一作四十二客死

于柳州官為斂葬于城北之野元和十三年孤來章始
壯自襄州徒行求其葬不得徵書而名其人皆死無能
知者來章日哭于野凡十九日唯人事之窮則庶於卜
筮五月甲辰卜秦詡兆之曰

詡持廉切
一作利

金食其墨而火

以貴其墓直丑在道之右南有貴神冢土是守乙巳于
野宜遇西人深目而髯其得實因七日發之乃覩其神
明日求諸野有雙荷杖而東者問之曰是故趙丞兒耶
吾為曹信是邇吾墓

一云
於是

噫今則夷矣直社之北二百

舉武吾為子範焉

範租悅切說文朝會束茅表
位曰範春秋置茅範表坐

辛亥啓

土有木焉發之緋衣緋衾

緋將侯切
青赤色

凡自家之物皆在

州之人皆為出涕誠來章之孝神付是隻以與龜偶不

然其協焉如此哉六月某日就道月日葬于汝州龍興

縣期城之原夫人河南源氏先歿而祔之殯之父曰漸

南鄭尉祖曰倩之鄆州司馬曾祖曰弘安金紫光祿大

夫國子祭酒始殯由明經為舞陽主簿蔡師反犯難來

歸擢授襄城主簿賜緋魚袋後為襄陽丞其墓自曾祖

以下皆族以位時宗元刺柳用相其事哀而旌之以銘

銘曰

訓也挈之

挈音契
鑽龜也

信也蒞之有朱其紱神具列之懇懇

來章神實恫汝

恫音通
說文痛也

錫之老叟告以兆語靈其鼓

舞從而父祖孝斯有終宜福是與百越綦綦羈鬼相望

音亡在外而
望其還也

有子而孝獨歸故鄉涕盈其銘旌爾勿忘

故溫縣主簿韓君墓誌

弓高侯韓王信之子類當
也鄆州公及著作郎與萬

州吏表亦不詳其名居之弟二長曰豐季
曰綦綦亦為祠部郎中云貞元十六年作

有唐故溫縣主簿韓慎字某漢弓高侯其先也徙于南陽傳世至今唐侍中諱瑗克用貞亮奮于國難侍中兄子郢州刺史諱某某生御史著作郎諱某某生尚書庫部郎中萬州刺史諱某嗣以文行大其家業君萬州長子也以父任為建陵挽郎累調授王府參軍襄州襄陽尉至于是邑貞元十六年又調于天官署河陽丞未拜十有一日暴病卒于長安永崇里先人之廬又十有一日龜策襲吉祔于咸陽洪瀆原先人之墓禮也先三日

外姻家老謀為之志季弟恭哀不能文故託于友焉嗚
呼生也以其弟之恭知君之為友沒也以其弟之戚知
君之為愛惟友愛出于孝移于忠施於人事無往不達
余故得受其辭書于石曰友而愛而忠孝宜之貌稱其
行行稱其詞賤而不壽為善是悼祔于祖考初筮攸告
季也之純寘哀無垠終窆且貧寘即羽切控于仁人備物稱
家其儀式陳爰相其悲載刻茲珉

東明張先生墓誌

先生自誌世莫得傳然謂吾生
天寶年訖貞元乙酉當是二十

一年也明年正月某日薨即元和元年公時
在永州作蓋先生死於封而封與永為近也

東明先生張氏曰因嘗有以文薦於天子天子策試甚
高以為長安尉一年投去印綬願為黃老術詔許之居
東明觀三十餘年受畢法道行峻異得衆真秘書訣錄
聚經籍圖史侔於麟閣以弟回降秩封州先生曰吾老
矣支體不可解也遂從以去明年回之子襲死哭之慟
遂病既亟以命回曰吾生天寶訖貞元乙酉歲十月今
死于汝之手盈吾志矣京師吾生也畢原先人之歸也

必以返葬乃自為誌而卒明年正月某日葬如其言弟
子某等為碑以誌于墓辭曰

匪祿而康匪爵而榮漠焉以虛充焉以盈言而不為華
光而不為名介潔而周流苞涵而清寧幽觀其形與化
相冥寂寞以成其道是以勿嬰世皆狂奔利死名我
獨浩浩端一以生或曰先生友悌以遁慈幼以死若不
能忘情者何耶吾曰道去友耶去慈耶從容以求其得
之耶蓋莽很悻

悻舊作悻胥山沈公謂當作悻很道之下起切悻下耿切很起也蓋音蕩

欽定四庫全書

卷十一

非耶且夫虧恩壞禮枯槁顛預

上音燕下音華

隳聖圖壽

隳切

離中就異歟然與神鬼為偶

歟許勿切說文有所吹起

頑然以木石

為類倥侗

上音空下音同

而不實窮老而無死先生之道固知

異夫如此也乃書于石以紀

虞鳴鶴誄

并序

虞氏之來尚矣在漢則有曰延曰翽在吳則有曰翽仲翽是也

在晉則有曰預曰喜史皆有傳至唐則有曰世南即秘書公洎于漢陽世德以昌者君之考終於沔州刺史也作之年月不可考然公謂唯昔夏首羈貫相親又云交歡二紀莫問斯言蓋公生於大曆八年自羈貫而及二紀則當是貞元十四五年間矣

維某年月日前進士虞九皋字鳴鶴終于長安親仁里
既克葬于高陽原二三友生皆至于墓哀其行之不昭
于世追列遺懿求諸后土申薦嘉名實曰蔡甫乃作誄
曰

吳虞之分爰宅上陽其後優游在越為鄉延誦輔漢

大誦

切羽恢定封疆東徙之賢時惟仲翔曰預曰喜在晉克彰

義篤斯文有必其芳秘書多能垂耀于唐泊于漢陽世

德以昌

居先父終河州刺史

毗贊尚父

尚父郭子儀也

休徵用揚惟我先

君並時翔洽主記室蔚其輝光實契伯仲永永不忘
漢陽元子寔紹其美傳襲儒風彪炳文史克恭以孝惟
禮是履譽洽于鄉論為秀士

禮命鄉論秀士注秀士鄉大夫所考有德行道藝者

百郡之選叢于京師昧沒騰藉乘凌蔽欺生之始至則
奮其儀退黜以謙人悅而隨名鄉是挈先進咸推方出
羣類振耀于時禍丁舅氏漂淪海沂捧訃號呼匍匐增
悲喪有幼主禮或多違孰徇于名而不是思投袂就道
乘艱若夷竭誠喪具申敬裳帷萬里來復祇祔于墓遽

不凌節儉而有度由其溫恭守以貞固行道咨嗟觀禮
興慕復從鄉賦煥發其華克不再舉聞于邦家倚閭千
里歡咏斯多姻族盈門載笑且歌君之不淑名立志沮
慶歸其鄉身終逆旅生死已間壽觴方舉賀書在途委
骨歸土哀歡易地弔慕交尸神明不仁降此大苦嗚呼
哀哉惟昔夏首羈貫相親貫與卅同穀梁子云子生羈貫成童不就師父之罪也
通家修好講道為隣既冠于阼音思致其身升于司徒
及爾繼年交歡二紀莫間斯言愉乎其和確爾其堅更

為砥礪

砥音紙

咸去韋弦

史西門豹以性剛急常佩韋以自戒董安于以性寬緩常佩弦

以自警

今則遽已吾其缺然嗚呼哀哉謀行謀諡

音示行之迹也

惟古之道生而無位沒有其號惟是友生徘徊顧悼爰用壹惠幽明是告溫溫其恭維德之經先民有作今也是旌嗚呼恭甫欽此嘉名

故處士裴君墓誌

君諱字不可得而考惟曾祖寧州公即裴守真也據傳守真之

子六次曰耀卿相立宗又其次曰僑卿即起居郎故誌曰起居郎丞相弟也員外公求之表系其名位俱不詳中丞公即裴行立守真之傳曰曾孫行立而此誌謂與裴君為弟兄其系蓋明

甚元和十四
年柳州作

河東聞喜裴君諱某字某好學未仕年若干元和十四

年月日終於京兆渭南墅

上與切
田廬也

君之弟中丞公督桂

州命其僚柳宗元以銘君之出河間邢羣以狀來告曰

曾祖諱某寧州刺史贈戶部尚書祖諱某起居郎父諱

某尚書刑部員外郎議官及浮圖事獨出載在史冊以

八使行天下當河北道疑危頑很難處分之地

分扶問
切一無

分用天子命制斷得宜於時為第一天下皆仰以為相

會疾終再贈至大理卿長老咸曰裴氏世積德起居丞
相弟也以文史用大理名世人也咸聞而不大君以友
悌慤植承其休幽光而不揚豈天鍾美於中丞嗇而不
克並耶不然君無位以天其可問哉君前娶韋氏成都
少尹士謨女生二子字曰某名曰某以文敏中丞公尤
愛幸恒從不幸卒於桂林某舉明經後娶於薛氏無子
父某位卑是年月日葬渭南某里遷奉夫人之喪自萬
年來有侯猶異室銘曰

疇之沃沃宜其嘉穀有耕有耨同施異祿明昭次穆丞相之族尚書之孫大里之門有慶實延宜碩而繁不位不年悔于丘園懿懿大理惟德之元權佞抑釋太史是論黜陟異幽邦命是尊神嗇豐福不弃于君渭之洋洋爰墓其南孝思是懷祖考之依郡人作銘惟相其哀一作

不并
于君

覃季子墓銘

君之死年月並亡惟公謂柳先生來永州戚其文不大於世求其墓以石

銘則當是初
至永時作也

覃季子其人生愛書貧甚尤介特不苟受施

施切

智讀經

傳言其說數家推太史公班固書下到今橫豎鈎貫

賢音

樹

又且數十家通為書號覃子史纂又取驚老管莊子

思晏孟下到今

驚音育驚熊也周人有書名驚子一卷

其術自儒墨名法

至於狗彘草木凡有益於世者為子纂又百有若干家

篤於聞不以仕為事黜陟使取其書以氏名聞除太子

校書某年月日死永州祁陽縣某鄉將死嘆曰寧有聞

而窮乎將無聞而豐乎寧介而躋乎將濶而遂乎

濶胡困切

葬其鄉後若干年柳先生來永州戚其文不大於世求其墓以石銘銘曰

困其獨豐其辱

續榮澤尉崔君墓誌

元和九年葬前誌贈太傅崔公祐甫為之祐甫既卒而未

克獎故公續誌以書其後之故云

太傅公既志榮澤君之葬明年為中書侍郎同中書門

下平章事以卒

一云卒贈太傅無以字

榮澤君之嗣曰膺備物具

貨入于汴汴陷于戎喪焉不果行會世難不幸膺亦死

膺之亞曰太素仕至雲陽令求其將行謫南海上元和

九年移信中

一作州

猶有累不克如其鄉大懼緩慢茲久

哭命其子某以某月日啓君之喪至于某葬用某月甲
子志用太傅公之辭又命河東柳某書緩故且志終事
之年月日

欽定四庫全書

集部

柳河東集卷十三

詳校官內閣學士

臣瑞保

檢討

臣

何思鈞覆勘

總校官進士

臣朱

鈴

校對官編修

臣

吳舒帷

謄錄監生

臣李

德

欽定四庫全書

柳河東集卷十二

表誌六首

唐柳宗元撰

先侍御史府君神道表

公永貞元年八月謫永州司馬明年元和改元先夫

人卒于永州明年歸附於侍御之墓表當作于
是時其曰叔父殿中君即公為作墓表及墓版

文所謂叔父殿中侍御史者是也墓表及版文
皆不載殿中君諱唐宰相年表亦止載曰某朔

方營田副使殿中侍御史故其名不得考焉公
所作殿中墓版文曰紀廣大之志叙正直之節

不嫌於親作元兄侍御史墓誌雖其名不可考
而知其誌侍御之墓明矣公表以諱真者為侍
御曾伯祖則真當為公高伯祖而新史公傳及
韓文公為公作墓誌皆云曾伯祖若有誤焉

嗚呼先君之墓仲父殿中君誌焉孤宗元不敢稱道先
德然而無以昭于外者用敢悉取仲父之所陳而繫其
辭刻石表先君諱鎮字某六代祖諱慶後魏侍中平齊
公五代祖諱旦周中書侍郎濟陰公高祖諱楷隋刺濟
房蘭廓四州曾伯祖諱奭施 奭字子燕唐中書令曾祖
諱子夏徐州長史祖諱從裕滄州清池令皇考諱察躬

湖州德清令世德廉孝颺于河潁颺音陽士之稱家風者

歸焉先君之道得詩之羣書之政易之直方大春秋之

懲勸以植于內而文于外垂聲當時天寶末經術高第

遇亂奉德清君夫人戴家書隱王屋山間行以求食深

處以修業作避暑賦合羣從弟子姓講春秋左氏易王

氏衍衍無倦

衍空早切
又虛早切

以忘其憂德清君喜曰茲謂邈

世無悶矣亂有間舉族如吳無以為食先君獨乘驢無

僮御以出求仁者冀以給食嘗經山澗水卒至流抵大

堅得以無苦被濡塗以行無愠容觀者哀悼而致禮加焉季王父六合君忤貴臣死於吏舍忤音誤猶鞠其狀先

君改服徒行逾四千里告于上由是貸其問既而以爲天子平大難發大號且致太平人罹兵戎農去耒耜宜以時興太學勸耦耕作三老五更議籍田書齋沐以獻道不果用授左衛率府兵曹參軍尚父汾陽王居朔方謂郭子儀也備禮延望授左金吾衛倉曹參軍爲節度推官專掌書奏進大理評事以爲刑法者軍旅之楨幹楨音貞

斥侯者邊鄙之視聽不可以不具作晉文公三罪議守
邊論議事確直世不能容表為晉州錄事參軍晉之守
故將也少文而悍酣嗜殺戮吏莫敢與之爭先君獨抗
以理無辜將死常以身扞咎讐拒不受命守大怒投几
折箠而無以奪焉責箠音以為自下繩上其勢將殆作泉
竭木摧詩終秉直以免於恥調長安主簿居德清君之
喪哀有過而禮不逾為士者咸服服既除常吏部命為
太常博士先君固曰有尊老孤弱在吳願為宣城令三

辭而後獲徙為宣城四年作閩鄉令

閩音聞又音民
珉弘農鄉名

考

績皆最吏人懷思立石頌德遷殿中侍御史為鄂岳沔
都團練判官元戎大攘狡虜增地進律作夏口破虜頌

後數年登朝為真會宰相與憲府比周誣陷一作陷正士

以校私讎有擊登聞鼓以聞于上上命先居抱三司以

聽理至則平反之為相者不敢恃威以濟欲為長者不

敢懷私以請間羣寃獲宥邪黨側目封章密獻歸命天

子遂莫敢言逾年卒中以他事貶夔州司馬

中丁仲切作鷹

鷓鴣詩居三年醜類就殛拜侍御史制書曰守正為心疾
惡不懼先君捧以流涕曰吾唯一子愛甚方謫去至藍
田訣曰吾目無涕今而不知衣之濡也抑有當我哉作
喜霽之歌副職持憲以正經紀貞元九年宗元得進士
第上問有司曰得無以朝士子冒進者乎有司以聞上
曰是故抗姦臣竇參者耶吾知其不為子求舉矣是歲
五月十七日終于親仁里第享年五十五七月某日葬
于萬年縣棲鳳原後十一年宗元由御史為尚書郎天

子行慶于下申命崇贈而有司草創頗緩會宗元得罪
遂寢不行太夫人范陽盧氏某官某之女實有全德為
九族宗師用柔明勤儉以行其志用圖史箴誠以施其
教故二女之歸他姓咸為表式太夫人既授封河東縣
太君會冊太上皇后于興慶宮既及一作乃宗元貶秩為

永州司馬奉侍溫清未嘗見憂元和元年五月十五日
終于州之佛寺享年六十八嗚呼宗元不謹先君之教
以陷大禍幸而緩於死既不克成先君之寵贈又無以

寧太夫人之飲食天殛荐酷名在刑書不得手開玄堂
以奉安祔罪惡益大世無所容尚顧嗣續不敢即死支
綴氣息以嚴邦刑大懼祭祀之無主以忝盛德敢用特
牲昭告神道號叫萬里以畢其辭云

先君石表陰先友記

考其次第當與前表同時作其見於記者凡六十八人嘗

以史傳及年表考之其可見者三十有七人信乎皆天下之善士矣

袁高河南人以給事中敢諫爭貞直忠寔舉無與比能

使所居官大再贈至禮部尚書

見袁忠肅公傳

姜公輔為內學士以奇策取相位好諫諍免後以罪貶

復為刺史卒

有傳

齊映南陽人為相以文敏顯用

有傳

嚴郢河南人剛厲好殺號忠能為京兆河南尹御史大夫善舉職為邪險構扇以貶死

元全柔河南人氣象甚偉好以德報怨恢然者也為大官有土地入為太子賓客

杜黃裳京兆人弘大入也善言體要為相有牆仞不佞

以謀克蜀加河中節度

有傳一作加司空
出為河中節度

劉公濟河間人厚寬碩大與物無忤為渭北節度入為

工部尚書卒

楊氏兄弟者弘農人皆友孝有文章 憑由江南西道

入為散騎常侍

凝以兵部郎中卒

附楊憑傳

凌以大

理評事卒最善文

穆氏兄弟者河南人皆強毅仁孝 贊為御史中丞捍

安倖得貶至宣池歛處置使卒 質為尚書郎以侍

御史內供奉卒最善文

附穆寧傳

皇甫政河南人有威儀由浙東廉使為太子賓客

裴樞同郡人為御史天子以隱罪誅吏樞頓首願白其

狀以故貶後為尚書郎

附裴道慶傳

李舟隴西人有文學俊辯高志氣以尚書郎使危疑反側者再不辱命其道大顯被讒妬出為刺史廢痼卒李鄴江夏人果檢自負巍然善為官為御史中丞京兆

尹鳳翔節度

有傳

梁肅安定人最能為文以補闕修史侍皇太子卒贈禮

部郎中

有傳

陳京泗上人始為諫官數諫諍有內行文多詰訓為給

事中上方以為相會感疾自刃廢痼卒

見宰相表
感一作貳

韓會昌黎人善清言有文章名最高然以故多謗至起

居郎貶官卒 弟愈文益奇

愈有傳會
見宰相表

許孟容吳人讀書為文口辯為給事中嘗論事由太常

少卿為刑部侍郎

有傳

李覲隴西人行義甚修至刑部郎中卒故與先君為三司者也其大理者曰楊瑀瑀無可言猶以獄直為御史宇文邈河南人有文謹慤人也為御史中丞齷齪自守

然以直免官復為刺史卒

見宰相表

袁滋陳郡人善篆書文敏不競為相出使辱命貶刺史復為義成軍節度卒

有傳

盧羣范陽人雜博多所許與使反側之地天子以為任

事為義成軍節度卒

有傳

崔損清河人畏慎為相無所發明然不害物天子獨愛

幸以損為長者

有傳

鄭餘慶滎陽人再為相始天下皆以為長者及為大官

名益少今為尚書河南尹無恙

有傳

鄭利用餘慶從父兄也真長者由大理少卿為御史中

丞復由中丞為大理少卿

李益隴西姑臧人風流有文詞少有僻疾以故不得用

年老常望仕非其志復為尚書郎

王紆其弟 紹太原人紹得幸德宗為尚書在宰相之
右今為徐泗節度紆有學術 魯直為尚書郎

路泌河南人以尚書郎使西戎留戎中度今已年八十

餘既和戎十五年不得歸無為言者

舊史附
路隋傳

虞當會稽人為郭尚父從事終沔州刺史以信聞

賈弇長樂人善士也為校書郎卒

賈全至御史中丞

趙需天水人嘽嘽

況羽切意與
姁和樂之義同

儒士也有名至兵部

郎中卒

張式南陽人

張莒常山人

張惟儉宣城當塗人皆善言讜式至河南尹莒鄧州刺

史惟儉和州刺史

奚陟江都人柔敏至吏部侍郎世謂陟善宦然其智足
自處也

盧景亮涿人有志義多所激發為諫官奏書如水赴壑

坐貶廢棄甚久至順宗時為尚書郎升中書舍人卒
楊於陵弘農人善吏敏秀者也為中書舍人京兆尹

張因某人舉詔策為長安尉願去官為道士甚有名以
其弟回降封州曰吾老矣必死回也哭而行遂死封
州

高郢渤海人有文章規矩自立者不干貴幸以太常為
相罷居尚書

唐次北海人有文章學行義甚高以尚書郎出為刺史

屏棄永貞中召以為中書舍人道病去長安七十里
死傳舍

苗拯上黨人有學術峭直以諫議大夫漏泄省中語貶
萬州卒

柳氏兄弟者先君族兄弟也最大并字百存為文學至
御史病瞽遂廢次中庸中行皆名有文咸為官早死
柳登柳冕者族子也自其父芳善文史與冕並居集賢
書府冕文學益健頗躁自吏部郎中出為刺史至福

建康使卒登晚仕至尚書郎秘書少監

附柳芳傳

薛丹同郡人至尚書郎

呂牧東平人由尚書郎刺澤州卒

崔慎清河人至檢校郎官子羣為右補闕贈給事中

有傳

房啓河南人善清言由萬年令為容州經略

于申河南人至尚書郎

常仲孺河南人今為諫議大夫

見宰相表

蘇弁武功人好聚書至三萬卷與先君通書以戶部侍

郎貶復為刺史

附蘇世長傳

崔芄蒲紅切博陵人善言名理為御史尚書郎

鄭元均滎陽人強抗少所推讓然以此多怨困不得位

辛惲

紆憤切

隴西人有史學

韓衡昌黎人善士

陳衆甫梓潼人高志氣

薛伯高東郡人好讀書號為長者後至尚書卒

見宰相表

張宣力清河人儒善後表其名去力但為宣自元均至
宣力皆沒沒無顯仕者

孤宗元曰先君之所與友凡天下善士舉集焉信讓而
大顯道博而無雜今之世言交者以為端敢悉書所
尤厚者附茲石以銘于背如右

故殿中侍御史柳公墓表

即公之叔父嘗銘先侍
御者貞元十二年公為

集賢正字時作集注云為會葬人作豈以其備
書本道節度張公乃遣殿中監李輔忠致贈侍
御史韋重規等執助汝南周公業等
琢石書德以見其一時定禮之盛耶

唐貞元十二年二月庚寅葬我殿中侍御史河東柳公
於萬年縣之少陵原公諱某字某邑居於虞鄉曾王父
某官王父某官皇考某官奕世餘慶叢而未稔濟德流
祉其後宜大秀而不實為善者惑嗚呼哀哉惟公敦柔
峻清恪慎端莊進止威儀動有恒常英風超倫孤厲貞
方居室孝悌與人信讓當職強毅游刃立斷自少耽學
頗工為文既窮日力又繼以夜鄉里推擇敦迫上道乃
與計偕來游京師觀藝靈臺貢文有司射策合程遂冠

首科休有全問羣士羨慕居數年授河南府文學教勵

生徒撰擇貢士

撰息轉切周禮大司馬羣吏撰車徒注撰謂擇之也

儒黨相賀庶

人觀禮秩滿渭北節度使延為參佐總齊軍政甚獲能

稱加大常寺協律郎既喪主帥罷歸私室方將脫遺紛

埃退與道俱沖漢保神優柔隸儒四方聞風交馳鵠書

載筆乘軺

音姚使者所乘又曰小車

乃作叅謀出入朔方陪佐戎車

遷大理評事又加章綬朱裳銀印宗黨有耀權略密勿

潛機埋照完彼亭堡時其講教實從我謀隣國是做改

度支判官轉大理司直出納府庫頒給軍食下無讎斂

力驗切 讎一作儲

黔首休息月校歲會

古外切

莫不如畫庫豐財

羨

延面切 餘也 庫一作軍

制成計得又遷殿中侍御史度支營田

副使分間之寄參制其半

間苦本切

柔以仁撫剛以義斷戎

臣坐嘯公堂無事朝端延首方待以位既而祿不及伐

冰

禮記伐冰之家不畜牛羊謂卿大夫以上以其喪祭得賜冰故言伐冰也

政不獲專達

周禮

天官其屬六十掌邦治大事則從其長小事則專達

以其年正月九日遇疾終於

私館享年五十嗚呼哀哉奔驥騁力中塗踣足

上於阮切 曲脚

也高鴻輕舉在雲墜翼凡我所知哀慟無極本道節度

尚書郎寧王張公震悼涕慕不任于懷臨遣牙將試殿

中監李輔忠賙賻甚厚

上撫鳳切下符遇切
贈死曰賙賻助也

行軍司馬

侍御史韋重規等匍匐救助事用無闕丹旒素車歸于

上京撰期定宅

撰息
轉切

莫有慙素

上音
慙

故友諸生宗人外

姻號慟會奠哀禮咸申克寔玄堂

寔音寔悲聽
切奠下棺

掩坎廣

輪

上古贍切禮記既奠而封
廣輪掩坎其高可隱也

顧眄無依徘徊增哀願勒

休聲延垂後賢於是汝南周公巢等相與琢石書德用

圖不朽文曰

抱元淳稟粹和既強毅又柔嘉登儀曹耀文章司學徒
儒風揚自渭北來朔方戎政閑黔首康冠惠文垂朱裳
才不施天茫茫刊樂石篆遺德一作芳延休烈垂憲則於
萬年長無極

故叔父殿中侍御史府君墓版文

公既表殿中君墓版又加詳焉

殿中君諱不可考
見先侍御墓表注

柳氏之先自黃帝歷周魯其著者無駭以字為展氏禽

氏以食采為柳姓厥後昌大世家河東嗚呼公諱某字某曾王父朝請大夫徐州長史諱某遺貞白之操表儀宗門王父朝請大夫滄州清池令諱某垂博裕之道啓佑後胤皇考湖州德清令諱某弘孝悌之德振揚家聲惟公端莊無諂徽柔有裕峻而能容介而能羣其在閨門也動合大和皆由順正愷悌雍睦莫有間言故宗黨歌之其在公門也釋回措枉造次秉直事不失當舉無秕政

上音

故官府誦之用冲退徑盡之志以弘正友道

信稱於外焉用柔和博愛之道以視遇孤弱仁著於內
焉此公修己之大經也自進士登高第調受河南府文
學秩滿渭北節度使論惟明辟為從事受太常寺協律
郎元戎即世罷職家食無何朔方節度使張獻甫辟署
叅謀受大理評事賜緋魚袋改度支判官轉大理司直
遷殿中侍御史加度支營田副使此公從政之大略也
既佐戎事實司中府匪頒有制會計明白嗚呼分閭委
政繫公而成務朝右虛位待公而周事宗門期公而光

大姻黨仰公而振耀貞元十二年歲在丙子正月九日
壬寅遇暴疾終于私館享年五十痛矣夫人吳郡陸氏
洎仲弟綜季弟續家姪某等抱孤即位牽率備禮祇奉
裳帷歸于京師以某年二月二十八日庚寅安厝

音措

於

萬年縣之少陵原禮也公有男一人始六年矣在髻知

孝

髻音迢小兒垂髻也

呱呱涕洟

孤音

凡我宗戚撫視增慟嗚呼

哀哉初公元兄以純深之行端直之德名聞於天下官
至侍御史持斧登朝憲章肅清常以先公之神未克遷

祔不正席不甘味及撰日定期而昊天不弔志奪禮廢
公實敬承遺志行有日矣而閔凶荐及不克終事則我
宗族之痛恨其有既乎惟公盡敬於孝養致毀於居憂

表正宗姓觀示他族故宗人咸曰孝如方輿公

此下四事皆舉

柳氏之先文行之著者方輿公諱僧習當後魏時為揚州大中正尚書右丞方輿公修詞以藻德

振文而導志以為理化之始莫尊乎堯作堯祠頌以為
述德之作不怠於祖作始祖碑以為紀廣大之志叙正
直之節不嫌於親作元兄侍御史府君墓誌其餘諷詠

比興

上音吳下許應切

皆合於古故宗人咸曰文如吳興守

南史

柳惲字文暢好學善尺牘少工篇什有亭華木葉下攏首秋雲飛之句仕宋為吳興太守

當官貞固

確乎不拔持議端方直而不苛故宗人咸曰正如衛太

史

舊本云太史諱莊按禮記檀弓下衛有太史曰柳莊寢疾公曰若疾革雖當祭必告公再拜稽首請於尸

曰有臣柳莊也者非寡人之臣社稷之臣也聞之死請往不釋服而往遂以槨之率性廉介懷

正抱潔嗣家風之清白紹遺訓於儒素故宗人咸曰清

如魯士師

柳氏出自姬姓魯孝公子夷伯展孫無駭生會字季為魯士師謚曰惠食采於柳下遂姓

柳氏是為柳下惠

兼備四德具體而微公之謂矣小子常以無

兄弟移其睦於朋友少孤移其孝於叔父天將窮我而奪其志故罔極之痛仍集焉朴魯甚駭不能文字敢用書宗人之辭以致其直故質而俚輟哭紀事哀不能文故叙而終焉

故弘農令柳府君墳前石表辭

全君及其夫人卒于大厯建中開墓

于貞元十九年公時為監察御史唯辭不載全君之名求之年表亦無可考焉

少陵原柳氏之大墓唐貞元十九年某月日孤某奉其先府君洎夫人之喪祔于其位由新墓而南若干步曰

高祖王父蘭州府君諱某字某之墓又東若干步曰曾祖王父邠州府君諱某之墓西若干步曰祖王父司議郎府君諱某之墓咸異兆而相望昭穆之有位序壤樹之有豐殺

所介切

皆如律令府君諱某字某由父任為太

廟齋郎更許昌陽武伊闕華原尉王屋丞汝陰令為弘農二年推其誠心裕于其人闢土生穀若有天相之道衣食給足故人不札天教厲明具故俗不爭奪遂以洽于太和事理克彰刺史盧杞加禮褒旌考績絕尤推君

之政風于下邑命為吏部尚書郎庾河南受命黜陟狀
君理績殊異宜升天朝帝有歎焉方圖優昇命用不長
年五十五建中二年某月日卒於官以其素廉家之蓄
不足以充凶事遂殯于是邑仍會危難至于今乃克返
葬孤某嘗為黔州錄事參軍今無祿仕而志不敢緩初
君娶司農少卿京兆韋山之孫涇陽主簿回知之女德
容溫良大厯二年某月日卒于越而假葬焉孤某徒行
自越舉夫人之喪至于號舉弘農君之喪咸至于墓室

馬既寔立石表于墳前示後之人以無忘孝敬嗚呼世
有難仕于外而葬其族者希矣孝子之心有待駟馬五
鼎而卒不至者焉若今之殺衣黜食殺所介切寒妻子饑僕
御終身由之而志益不懈為旅人徒跣音鮮萬里以厄困
終事孝之難者歟五十而慕者舜也祿千鍾而悲者曾
子也聖且賢難之若是今之人有由其道者得不立於
世乎

志從父弟宗直殯

公自永貞元年九月自禮部員外郎謫邵州刺史十一月又移

永州司馬至元和十年正月召至京繼出為柳
州刺史宗直與公俱故死于柳韓昌黎集中有

雷塘祭雨文觀此志則
知非昌黎之作明矣

從父弟宗直生剛健好氣自字曰正夫聞人善立以為
已師聞惡若已讎見佞色諂笑者不忍與坐語善操觚

牘

上音孤
下音讀

得師法甚備融液屈折奇峭博麗知之者以

為工作文辭淡泊尚古謹聲律切事類譔漢書文章為

四十卷歌謠言議纖悉備具連累貫統好文者以為工

讀書不廢蚤夜以專故得上氣病臚脹

上音臚皮也一
日傳也下知亮

切腹大也廣韻腹前曰臚

奔逆每作害寢食難俯仰時少間又執業

以興呻痛咏言雜莫能知兄宗元得謗於朝力能累兄

弟為進士凡業成十一年年三十三不舉藝益工病益

牢元和十年宗元始得召為柳州刺史七月南來從予

道加瘡寒數日良已又從謁雨雷塘神所還戲靈泉上

洋洋而

一作也

歸卧至旦呼之無聞就視形神離矣嗚呼

天實析余之形殘余之生使是子也能

一作既

無成是月

二十四日出殯城西北若干尺死七日矣俟吾歸與之

俱志其殞

柳河東集卷十二

欽定四庫全書

柳河東集卷十三

唐 柳宗元 撰

誌十三首

先太夫人河東縣太君歸祔誌

公元和五年尚謚永州司馬故夫人

卒於永州明年安祔於先侍御史府君之墓先侍御墓表具載夫人之卒則誌表當是同時而作

先夫人姓盧氏諱某世家涿郡

涿音卓地名也今上谷涿郡

壽止六

十有八元和元年歲次丙戌五月十五日棄代於永州
零陵佛寺明年某月日安祔於京兆萬年棲鳳原先侍
御史府君之墓其孤有罪銜哀待刑不得歸奉葬事以
盡其志姪洎太夫人之兄子弘禮承事焉嗚呼天乎太
夫人有子不令而陷於大僂音幾徒播癘土醫巫藥膳之不
具以速天禍非天降之酷將不幸而有惡子以及是也
又今無適主以葬適音的天地有窮此冤無窮既舉葬紉
直忍切索也與緣同

周禮封人置其緣

猶以不肖之辭擬述先德且誌其

酷焉嘗逮事伯舅聞其稱太夫人之行以教曰汝宜知
之七歲通毛詩及劉氏烈女傳斟酌而行不墜其旨汝
宗大家也既事舅姑周睦姻族柳氏之孝仁益聞歲惡
少食不自足而飽孤幼是良難也又嘗侍先君有聞如
舅氏之謂且曰吾所讀舊史及諸子書夫人聞而盡知
之無遺者某始四歲居京城西田廬中先君在吳家無
書太夫人教古賦十四首皆一作諷傳之以詩禮圖史
及剪製縷結授諸女及長皆為名婦先君之仕也伯母

叔母姑姊妹子姪雖遠在數千里之外必奉迎以來太夫人之承之也尊已者敬之如臣事君下已者慈之如母畜子敵已者友之如兄弟無不得志者也諸姑之有歸必廢寢食禮既備嘗有勞疾先君將改葬王父母太夫人泣以蒞事事既具而大故及焉不得成禮既得命於朝祇奉教曰汝忘大事乎吾冢婦也今也宜老而唯是則不敢暇抑將任焉苟有日吾其行也及命為邵州又喜曰吾願得矣竟不至官而及於罪是歲之初天子

加恩羣臣以宗元任御史尚書郎封太夫人河東縣太
君八月會冊太上皇后於興慶宮禮無違者既至永州
又奉教曰汝唯不恭憲度既獲戾矣今將大儆於後以
盖前惡敬懼而已苟能是吾何恨哉明者不悼往事吾
未嘗有戚戚也而卒以無孝道不能有報焉喪主子婦
七歲而不果娶竄窮微吉弔切境也人多疾殃炎暑煊蒸煊呼
木切又虛驕呼酷黑各三四熱也其下卑濕非所以養也詎視無所問
藥石無所求禱祠無所實蒼黃叫呼遂邁大罰天乎神

乎其忌是乎而獨生者誰也為禍為逆又頑很而不得
死逾月逾時以至於今靈車遠去而身獨止玄堂暫開
而目不見孤囚窮繫陟立切魄逝心壞蒼天蒼天有如是
耶有如是耶而猶言猶食者何如人耶已矣已矣窮天
下之聲無以紓其哀矣盡天下之辭無以傳其酷矣刻
之堅石措之幽陰終天而止矣

伯祖妣趙郡李夫人墓誌銘

夫人適臨卽令柳君是為公之伯祖銘不

載臨卽之諱新史年表亦載曰某為臨卽令而
名亦不傳銘亦不載其子之名而曰終旌德尉

史亦不載其名而曰旌德令其不同
如此貞元十九年公時為監察御史

夫人姓李氏辨族姓者趙郡贊皇之東祖祖某為某官

父冲為單父尉夫人生於良族巍然殊異及笄音稽女十五曰

德充於容行踐於言高朗而不傷其柔嚴恪而不害

其和特善女工剪製之事又能為雅琴秦聲操絃之具

操七刀切縵末旦切禮記不學操縵婦道既備宜為君子之配偶焉我伯

祖臨邛令府君諱某受夫人於李氏之廟而歸於正室

臨邛府君之先曰我曾王父清池府君諱某清池之先

曰徐州府君諱某又其先曰常侍府君諱楷常侍之兄
曰中書令諱奭自中書以上為宰相四世噫我伯祖以
宗胄碩大而齊其德厚夫人以族屬清顯而修其禮範
合二姓以承先祖為士者榮之故佐奉養承祭祀婦德
用光家道甚宜無何伯祖終於臨邛而窆焉夫人從子
而返於淮潞音虎水
涯之名嗚呼我先府君每得仕未嘗不奉
迎供養必誠必親男既立必使之有禄仕女必使之有
家將嫁已子必先擇良士可以配諸姑者定然後議焉

仲父殿中侍御史府君由是志也夫人生男一人諱某
不幸終於宣州旌德尉女三人皆得良壻隴西李伯和
為楊子丞疾痺廢痼而沒太原王紓音舒今為右補闕潁
川陳萇音萇為校書郎渭南尉知名貞元十六年王氏姑
定省扶持自揚州至於京師道路遇疾遂館於陳氏以
諸壻之良諸女之養無不得意焉享年八十一是歲六
月二十九日終於平康里自小斂至於大斂比及葬則
二壻實叅主之有孫二人長曰曹郎奉之以纁而正於

位八月二十四日葬於萬年縣之少陵原實棲鳳原介
於我先府君仲父二兆之間神心之所安也嗚呼嗣子
早夭臨卬萬里以歲之不易未克合祔哀孰甚焉諸姑
合以為斯志以從人之道內夫家外父母家且又葬於
我志於我故叙柳氏為備銘曰

藹其芳壽且康大梁鵲火沉幽光

大梁鵲火二星名是年歲星在大梁六月

日月會於鵲火蓋以紀卒之年月也

夙淪夫子嗣又喪

平聲

輶帷不復岷之

陽

輶此見切或作簡喪車飾也

兆靈趾棲鳳里艮之山允之水靈之

車當返此子孫百代承靈趾誰之言者青烏子

相家書曰青烏

子稱山三重相連名連

華山葬之當出二千石

叔妣吳郡陸氏夫人誌文

此叔父殿中君之配也殿中君葬在貞元十二

年二月公作墓版文載夫人吳郡陸氏時尚無恙也是年冬十一月夫人卒乃合祔焉故曰仲

父之諱字夫人之

爵齒備於版文云

夫人諱則字內儀姓陸氏家於吳郡蓋江左上族以宗子在他國家牒逸墜故曾王父王父之諱官不克究知而闕其文父覃皇河南陸渾令夫人生而柔筭而禮會

伯舅為河南尹撰擇僚案

撰息
克切

謂我文學掾仲父士林

殊英儒流推高故夫人歸於我夫人之志也溫順以承

上冲厚以字下不敢踰於冢婦不敢侮於臣妾是宜允

膺福壽集成母儀稟命不淑享年三十有五貞元十二

年十一月己亥終於長安太平里第嗚呼夫人生男一

人曰曹婆幼孺在抱委繚就位

繚音
崔

女一人曰喜子匍

匍繚繚

上舉兩切
下音保

寄婦人之手哀哉蓋衰門薄祐神道

不相顧仲父違背於歲首而夫人捐棄於是月遺孤眇

藐未克承紹凡我族屬其痛巨乎遂以其年十二月十三日庚午合祔於少陵原之墓恭惟仲父之諱字夫人之爵齒備於版文今不書懼再告也

亡姑渭南縣尉陳君夫人權厝誌

夫人公前所誌伯祖妣李夫人

之女也前誌云夫人三女皆得良壻校書郎渭南尉陳葭其一也此誌所以具載陳君云貞元十七年公時

調藍田尉

唐貞元十七年九月六日甲子前渭南縣尉潁川陳君之夫人河東柳氏終於平康里將終告於陳君曰吾生

四十有四年為陳氏介婦九年謹飭不急以至於此命也既成婦矣宜祔於皇姑從兆於三原然而不幸中道而有痼疾既不及養於舅姑又不得佐於蒸嘗生君之子不朞月而殞嘗謂君宜有貴位而不克見執親之喪不得終紀皆天譴之大者也且願殺禮

殺所介口周禮國新殺禮

以

成吾私邇先夫人之墓而窆我焉將俟君之不諱而歸復於正其可也陳君乃卜十二月十八日權厝於城南原曰棲鳳如夫人之志且以時日甲子授於宗元曰子

之姑孝於家移於我之長睦於族施於我之黨是用賓
而禮之如益者之友今則去我已矣吾無以報焉他日
嘗謂子慤而文願以為誌庶幸而有知將安子之為也
甚無恨矣嗚呼貴不必賢壽不必仁天之不可恃也久
矣遂哭而受命書夫人之世以記於茲石夫人六代祖
諱慶五代祖諱旦位皆至宰相高祖諱楷為濟州刺史
曾祖諱某為徐州長史祖諱某為清池令考諱某為臨
邛令妣李氏趙郡贊皇人其他則俟改葬而後備

亡姊崔氏夫人墓誌蓋石文

不書其卒葬之年月然其文曰太夫人生

二女幼曰裴氏婦如夫人之懿而皆蚤世按裴氏婦葬以貞元十六年則此文當與裴氏婦誌

相先

後作

我伯姊之葬良人博陵崔氏為之誌凡歸於夫家為婦為妻為母之道我之知不若崔之悉也然而自筭而上以至於幼狹崔固不若我之知也又烏可以已今之制凡誌於墓者琢密石加蓋於其上用敢附碑陰之義假茲石而書焉嗚呼夫人天命之性固有以異於人狹而

聲和幼而氣柔以吾族之大尊長之多

長展兩切

夫人自能

言而未嘗誤舉其諱與其類戲於家游弄之具未嘗有

爭先公自鄂如京師

一有歸字

其時事會世難告

一作書

教罕

至夫人憂勞踰月默泣不食又懼貽太夫人之憂慮給

音急上聲敗也

以疾告書至而愈人乃知之善隸書為雅琴以

自娛樂隱而不耀工足以致美於服而不為異言足以

發揚於禮而不為辨孝之至敬之備仁之大又以配君

子然而不克會於貴壽以至於斯孰謂之

一無之字

天有知

者即太夫人生二女幼曰裴氏婦如夫人之懿在二族
咸以令德聞而皆早世其弟昏愚而獨存孰謂天可問
者耶嗚呼痛其甚歟遂濡血而一作書以志終天之哀
與茲石永久

亡姊前京兆府叅軍裴君夫人墓誌

作之年月見
本篇公時為

集賢

正字

柳氏至於唐其著者中書令諱奭中書之弟之子曰徐
州府君諱某實有孝德世其家業清池府君諱某繼之

以茂實德清府君諱某承之以善政以至於侍御史府
君諱某用貞信勁正達於邦家克生賢女以配於裴氏
裴氏至於唐其著者禮部尚書諱行儉禮部之子曰侍
中諱光庭嗣用忠肅書於國史祠部府君諱稹業之以
貞直以至於金吾府君諱傲音用純懿端亮聞於天下
實生良子以配夫人嗚呼夫人與仁孝偕生以禮順偕
長始於家純如也終於夫族穆如也其為子道也孝以
和恭以惠取與承順必稱所欲先君與太夫人恩遇尤

厚故夫人侍側無威怒之教焉天禍樊族夙遭大故我
諸孤奉太夫人之養不敢圖死至於復常夫人三歲無
湯沐無鹽酪音洛頓踴叫號哀徹天地外除髮不勝筭體
不勝帶太夫人泣而命之固猶不食朝夕諭誨僅而濟
焉其為妻道也貞順之宜恒服於身體疑忌之慮不萌
於心術忿懣之色懣音致恨也不兆於容貌同焉而合於禮
婉焉而得其正其為婦道也惟聽順謹敬睦姻任恤之
行甚備常以不幸不及舅姑之養用為大恨是故相春

秋之事眎滌濯羞簋簋勞以待旦每怵惕之感至焉則
又移其孝於裴氏之門而以睦於冢婦介婦必敬必親
下以不失其赤子之心姻族歸厚率由是也嗚呼我之
大譴歟裴氏之大不幸歟以夫人之德行宜貴壽宜康
寧然而年始三十不克至於壽良人官為叅軍事不及
偕其貴骨髓之疾實鍾於身以貞元十六年三月十三
日甲子終於光德里第痛矣夫始夫人之疾也夫人之
族視之如已

一有宗字

其家老長妾臧獲之微皆以其私奔

謁於道路禱鬼神問卜筮者相及也既病太夫人在側

尚慮積憂傷於尊懷猶持形立氣給以少間故二稚未

齒

初親切毀齒也男八歲女七歲而齒

良人在遠不及有緒言遺念以傳

於後則我呼天之痛宜有加焉嗚呼天胡厚是懿德而
闕其報施獨何咎歟余不知天之忍也既逾月良人至
自洛師望門而哭曰無以立吾家成吾身矣凡生三子
幼曰崔七先夫人八月而殞魂氣無不之也次曰崔六
後夫人五旬而天因祔焉今其存者曰崔五幸無恙託

於乳媪

烏皓切

以虞水火哀哉其年八月十八日甲子安

厝於長安縣之神禾原從於先塋祔於皇姑宜也母弟
號哭而為之志毒痛憑塞略不能具敢告無愧辭無溢
美庶用正直克安神心嗚呼至哀無文至敬不飾故無
其辭

亡妻弘農楊氏誌

貞元十五年公時為集賢殿正
字公益憑之倚憑嘗為禮部郎

中而諸本誤作疑非是觀
其餘楊詹事文可見矣

亡妻弘農楊氏諱某高祖皇司勳郎中諱某司勳生殿

中侍御史諱某殿中生醴泉縣尉諱某醴泉生今禮部
郎中憑代濟仁孝號為德門郎中娶於隴西李氏生夫
人夫人生三年而皇妣即世外王父兼居方伯連帥之
任歷刺南部夫人自幼及笄依於外族所以撫愛視遇
者殆過厚焉夫人小心敬順居寵益畏終始無驕盈之
色親黨難之五歲屬先妣之忌飯僧於仁祠就問其故
媼傳以告遂號不食後每及是日必遑遑涕慕抱終身
之戚焉及許嫁於我柔日既卜

禮記內事以柔日
注順其在內為陰

乃歸

於柳氏恭惟先府君重崇友道於郎中最深髫稚好言

髫音迢

始於善謔雖間在他國終無異辭凡十有三歲而

二姓克合奉初言也夫人既歸事太夫人備敬養之道

敦睦夫黨致肅雍之美主中饋佐蒸嘗怵惕之義表於

宗門太夫人嘗曰自吾得新婦增一孝女况又通家愛

之如已子崔氏裴氏姊視之如兄弟故二族之好異於

他門然以素被足疾不能良行未三歲孕而不育厥疾

增甚明年以謁醫救藥之便來歸女氏永寧里之私第

八月一日甲子至於大疾年始二十有三嗚呼痛哉以夫人柔順淑茂宜延於上壽端明惠和宜齒於貴位生知孝愛之本宜承於餘慶是三者皆虛其應天可問乎衰門多豐音蒙 斫也上天無祐故自辛未逮於茲歲累服

齊斬繼經哀酷其間冠衣純采朞月者三而已矣無乃以是累夫人之壽歟悼慟之懷曷月而已矣哀夫遂以九月五日庚午克葬於萬年縣棲鳳原從先塋禮也是歲唐貞元十五年龍集己卯為之誌云

坤德柔順婦道肅雍惟若人兮婉婉淑姿

婉音兒婉音晚又音免婉

也婉順

鏘翔令容

鏘七將切

委窮塵兮佳城鬱鬱閉白日兮之

死同穴歸此室兮

下殤女子墓埒記

殤未成人也人年十九至十六死為長殤十五至十二死為中

殤十一至八歲死為下

殤公時謫永州司馬

下殤女子生長安善和里其始名和娘既得病乃曰佛
我依也願以為役更名佛婢既病求去髮為尼號之為
初心元和五年四月三日死永州凡十歲其母微也故

為父子晚姓柔忠類可以為成人者然卒天斂用緇褐
銘用塶甃蒲歷切 葬零陵東郭門外第二岡之西隅銘曰
孰致也而生孰召也而死焉從而來焉往而止魂氣無
不之也骨肉歸復於此

小姪女子墓塶記

生甲申即貞元二十年死巳丑
在元和四年公時尚在永州

字為雅氏為柳生甲申死巳丑日十二月在九是日葬
東崗首生而患命則天始也無今何有質之微當速朽
銘茲瓦期永久

故尚書戶部侍郎王君先太夫人河間劉氏誌文

夫人王叔文母也公以附叔文敗此銘極所稱
道叔文侍東宮諫太子不使言宮市之弊公所
謂道合儲后者考新史叔文傳順宗即位不能
聽政王任密語黃門縣蘓州司功叅軍召叔文
拜起居郎翰林學士與王任牛昭客李忠言更
相依仗任主傳受叔文主裁可乃授之中書韋
執誼作詔文施行時韋執誼呂溫李景儉韓曄
韓泰陳諫劉禹錫及公皆為死友叔文母死匿
不發喪至宦者俱文珍詰折乃發喪憲宗以太
子監國貶叔文渝州司戶明年誅死公之所謂
將明出納有彌綸通變之勞副經邦阜財之職
豈誠然乎哉叔文既敗公以是貶邵州刺史繼
是一斥不振方作銘時係貞元二十一年秋而
八月憲宗立遂正叔文之罪豈是時猶未悟耶

其後與許孟容書謂是時年少氣銳不識幾微不知當否但欲一心直遂果陷刑法意公亦悔所不及矣吾昌黎氏之言曰子厚前時少年勇於為人不自貴重願藉謂功業可立就故坐廢退誠有得於

公之心哉

夫人姓劉其先漢河間王

漢孝景長子也

王有明德世紹顯懿

至唐有文昭者為綿州刺史號良二千石其嗣慎言為

仙居令光州長史克荷於前人光州

一有居字

夫人之父也

夫人既笄五年從於北海王府君諱某府君舉明經授任城尉左金吾衛兵曹修經術以求聖人之道通古今

以推一王之典會世多難不克如志卒以隱終夫人生
二子長曰彛倫舉五經早夭少曰叔文堅明直亮有文
武之用貞元中待詔禁中以道合於儲后凡十有八載
獻可替否有匡弼調護之勤先帝弃萬姓嗣皇承大位
公居禁中討謨定命有扶翼經緯之績繇蘓州司功叅
軍為起居舍人翰林學士將明出納有彌綸通變之勞
副經邦阜財之職加戶部侍郎賜紫金魚袋重輕開塞
有和均肅給之効內贊謨畫一作謀不廢其位凡執事十

四旬有六日利安之道將施於人而夫人終於堂蓋貞元之二十一年六月二十日知道之士為蒼生惜焉天子使中謁者臨問其家賻以布帛嗚呼夫人之在女氏也貞順以自處孝謹以有奉其在夫族也祇敬以承上嚴肅以蒞下事良人四十有九年而勤勞不懈生戶部五十有三年而教戒無闕年七十有九而戶部之道聞於天下為大僚垂紫綬以就奉養公卿侯王咸造於門既壽而昌世用羨慕然而天子有詔俾定封邑有司稽

於論次終以不及時有痛焉是年八月某日祔於兵曹
君之墓銘曰

夫人之德溫柔敦直承於陰教式是嬪則克生良子用

揚懿美有其文武弘我化理天子是毘邦人是望

平

若

若紫綬榮於高堂惟昔孟氏號為母師在漢稱賢有戒
不疑懿懿夫人維其似之山北之中神禾之原問於靈

龜問此顯魂

閩音

勒石垂休永永萬年

朗州員外司戶薛君妻崔氏墓誌

新史崔仁師傳
貞觀初殿中侍

御史時青州有男子謀逆有司指支黨衆係填
獄詔仁師按覆始至悉去械為具食飲湯濡以
情評之坐止魁惡十餘人他悉原縱曰治獄主
仁恕故誘稱殺人則足亦皆有禮豈有知枉不
申為身謀哉使吾以一介易十囚命固吾願也
由是知名仁師崔簡二世大父也公誌簡之女
故以仁師議刑不孥而銘焉
公時在柳元和十二年作云

唐永州刺史博陵崔簡女諱媛嫁為朗州員外司戶河
東薛異妻三歲知讓五歲知戒七歲能女事善筆札讀
書通古今其暇則鳴絃桐諷詩騷以為娛始簡以文雅
清秀重於當世其後病惑得罪投謹州諸女蓬垢涕號

柳氏出也以叔舅命歸於薛惟恭柔專勤以為婦妻恩

其故他姬子雜已子造次莫能辯無忤忌之行

忤音寘恨也

無犯忤之氣

忤音干過也

一畝之宅言笑不聞於鄰元和十

二年五月二十八日既乳病肝氣逆肺牽拘左腋巫醫

不能已暮月之日潔服飭容而終年若干某月日遷柩

於洛某月日祔於墓在北邙山南洛水東吳始佐河北

軍食有勞未及錄會其長以罪聞因從貶更大赦方北

遷而其室已禍異之考曰大理司直仲卿祖曰太子右

贊善大夫環曾祖曰平舒令煜高祖曰工部尚書真藏
簡之父曰大理司直暄祖曰某官鮑唐興中書令仁師
議刑不孥其二世大父也異之他姬子丈夫子曰老女
子子曰張婆妻之子女子曰陀羅尼丈夫子曰某實後
子銘曰

翼翼仁師惟仁之碩一言刑輕綿載二百其慶中缺曾
玄不續簡之溫文卒昏以易七男三女八我之出仍禍
六稔數存如沒宜福而災伊誰云恤惟薛之婦德良才

全隣無言聞臧獲以虔推仁撫庶孩不異憐兄公

一作子

是怙夫屬忻然髮髻我我

髮音被髻也髻音弟

遵豆維嘉烝嘗賓

燕其羞孔多有必有嚴

必薄必切香也

神饗斯何奚仲仲虺胡

祐不遐高曾祖考胡嘏之訛淑人不居誰任於家書銘

告哀以寘巖阿

韋夫人墳記

其族系不得而考公時刺柳州作云

韋夫人終成都殯萬年遷柩渭南祔而不合大葬未利

以俟禮也其族系如某人之誌堀

音朋又通鄭切將也

用元和十

四月日子某為石刻而納諸壙

馬室女雷五墓誌

雖不詳其年月其曰墓永
州元和間公為司馬時作

馬室女雷五父曰師儒業進士雷五生巧慧異甚凡事

絲續

音

文繡不類人所為者余覩之甚駭家貧歲不易

衣而天姿潔清修嚴恒若簪珠璣衣紬縠

上音丸下
胡谷切


寥

然不易為塵垢雜年十五病死後二日葬永州東郭東

里以其姨母為妓於余也將死曰吾聞柳公嘗巧我惠

我今不幸死矣安得公之文志我於墓其父母不敢以

云葬之日余乃聞焉既而閔焉以攻石之後也遂為砂
書玄埽追而納諸墓



柳河東集卷十三